

03 FEBRUARIE
RUGACIUNEA 1
SF. IERARH
NICOLAE KASATKIN
AL TOKIO SI INTREGII JAPONII

Молитва первая

О пречестная и священная главо и благодати Святаго Духа исполненная, Спасово со Отцем обиталище, великий архиерее, теплый наш заступниче, святой святителю, равноапостольный Николае Японский. Предстоя у престола всех Царя и наслаждаяся света единосущныя Троицы и херувимски со ангелы возглашая песнь трисвятую, великое и неизследованное дерзновение имея ко всемилостивому Владыце, моли спастися обращенным тобою ко Христу, и всея паствы Христовой людем. Упроси Вышняго, страждущую страну Российскую от лютых безбожников и власти их Господь да освободит, верных рабов Его, в скорби и печали день и ночь вопиющих к нему, многоболезный вопль да услышит и да изведет от погибели живот наш,

процветание Православия в стране нашей
Российстей и в земли Японстей да утвердит:
архиереи благолепием святительства да украсит,
монашествующия к подвигам добраго течения
да укрепит: царствующия грады и вся грады
страны добре сохранит. О святителю
предивный! Мир весь предстательством твоим
умири: от глада, жажды, пагубы и крамолы
избави ны, от стихий часто находящих на ны,
грех ради наших многих, от тлетворных ветр,
губительных язв и от нападения иноплеменных
сохрани. Старые утеша, юные настава,
безумныя умудри, вдовицы помилуй, сироты
заступи, младенцы возрасти, плененныя и в
темнице сидящия свободи и возврати.
Немощствующия исцели, плавающим буди
добрый кормчий, и всех везде тепле
призывающих тя и с верою притекающих к
тебе, и усердно припадающих, и молящихся тебе
от клеветы и всяких напастей, враг видимых и
невидимых, бед и всякого зла твоим
ходатайством свободи. Моли о нас Всещедраго и
Человеколюбиваго Христа Бога нашего, да
простит нам вся грехи, от юности соделанныя
нами, и в день страшного пришествия Его от
шуйяго стояния избавит нас и радости святых
причастники сотворит, да купно с ними славим
Единого в Троице Бога, Отца и Сына и Святаго
Духа, во веки веков. Аминь.